

Probas de acceso aos ciclos formativos de formación profesional inicial

Convocatoria ordinaria de 2014

**Consellería de Cultura, Educación
e Ordenación Universitaria**

Dirección Xeral de Educación, Formación Profesional e Innovación

Indice

1.	Probas de acceso a ciclos formativos.....	4
1.1	Introdución	4
1.2	Requisitos de inscrición	4
1.2.1	Estrutura e organización da proba.....	4
1.2.2	Lugar de inscrición e de presentación da solicitude.....	5
1.3	Exencións	5
1.3.1	Exencións de grao medio	5
1.3.2	Exencións de grao superior	6
1.3.3	Publicación das listaxes provisionais e definitivas. Reclamacións.....	7
1.4	Certificados	7
1.5	Resolución administrativa	8
1.5.1	Lugar e prazos de presentación de solicitudes.....	8
1.5.2	Centros de emisión de certificados.....	8
2.	Anexo	9

1. Probas de acceso a ciclos formativos

1.1 Introducción

A Consellería de Cultura, Educación e Ordenación Universitaria publicará proximamente no DOG a orde pola que se convocan as probas de acceso aos ciclos formativos de formación profesional do sistema educativo.

Toda a información e a documentación referente ás probas de acceso aos ciclos formativos poderá consultarse dentro da opción “probas” do menú da páxina web <http://www.edu.xunta.es/fp>.

Os centros educativos que impartan ciclos formativos de formación profesional ofreceran ás persoas interesadas información e orientación sobre estas ensinanzas, así como sobre o procedemento de inscrición e desenvolvemento das probas de acceso.

Para información adicional estarán dispoñibles os servizos da Unidade de Atención a Centros (teléfono 902 905 445; enderezo electrónico uac@edu.xunta.es; páxina web www.edu.xunta.es/uac).

1.2 Requisitos de inscrición

▪ Grao medio	Quen non cumpra os requisitos académicos esixidos para acceder a ciclos formativos de grao medio, e teña cumpridos dezasete anos ou os cumpra no ano natural de celebración da proba.
▪ Grao superior	Quen non cumpra os requisitos académicos esixidos para acceder a ciclos formativos de grao superior e se atope nalgunha das seguintes situacións: <ul style="list-style-type: none">▪ Ter cumpridos dezanove anos ou cumprilos no ano natural de celebración da proba.▪ Cumprir ou ter cumpridos dezaioito anos no ano natural de celebración da proba, e dispor dun título de técnico que pertenza a algunha familia profesional incluída na opción á que opta, consonte á táboa do anexo .

1.2.1 Estrutura e organización da proba

Grao medio	
▪ Parte sociolingüística	Organízase en tres probas: <ul style="list-style-type: none">– Lingua castelá.– Lingua galega.– Ciencias sociais.
▪ Parte matemática	Organízase nunha única proba: <ul style="list-style-type: none">– Matemáticas.
▪ Parte científico-técnica	Organízase en dúas probas: <ul style="list-style-type: none">– Ciencias da natureza.– Tecnoloxía.

Grao superior	
▪ Parte común	Organízase en tres probas: <ul style="list-style-type: none">– Lingua galega.– Lingua castelá.– Matemáticas.
▪ Parte específica (*)	Organízase en tres opcións (A, B e C): <ul style="list-style-type: none">– Opción A: economía da empresa, lingua estranxeira (inglés ou francés), e filosofía e cidadanía.– Opción B: debuxo técnico, tecnoloxía industrial, e física.– Opción C: ciencias da terra e ambientais, química, e bioloxía.

(*) Na solicitude elixirase unha única opción (A, B ou C) e, dentro da opción elixida, escolleranse dúas materias.

1.2.2 Lugar de inscrición e de presentación da solicitude

A inscrición e presentación poderase facer das seguintes formas:

- Cubrindo a solicitude a través da aplicación informática subministrada pola Consellería de Cultura, Educación e Ordenación Universitaria que se atopa na páxina web <http://www.edu.xunta.es/fp>. A aplicación informática xera una instancia para imprimir. Poden darse dous casos:
 - Que na instancia se indique que non é preciso entregala no centro de inscrición. Estas solicitudes consideraranse como presentadas no centro elixido sen precisarse máis trámites. Un exemplar da solicitude xerada pola aplicación deberá levarse o día da proba.
 - Que na instancia se indique que se deba presentar no centro de inscrición elixido, acompañada da documentación que se lle requira. Estas solicitudes entenderanse como non presentadas ata a súa validación no centro educativo de inscrición.
- Descargando o formulario normalizado de inscrición no apartado de probas de acceso da páxina web <http://www.edu.xunta.es/fp> ou na sede electrónica <https://sede.xunta.es> (código de procedemento ED312C para grao medio e ED312D par grao superior). Debe presentarse por duplicado xunto coa documentación acreditativa correspondente, en calquera centro de inscrición.

Considerase **centro de inscrición** a calquera centro público dependente da Consellería de Cultura, Educación e Ordenación Universitaria, con oferta de ciclos formativos.

1.3 Exencións

A solicitude de exencións parciais da proba deberase formular no momento da inscrición. As persoas que estean nalgunha das circunstancias para teren a exención total da proba poderán participar directamente no proceso de admisión a ciclos formativos sen necesidade de inscribirse nas probas de acceso.

1.3.1 Exencións de grao medio

Exención total (acreditando algunha das seguintes circunstancias)	
▪ Ter superada a proba de acceso á universidade para maiores de 25 anos.	
▪ Ter superada a proba de acceso a ciclos formativos de grao superior, de ensinanzas deportivas ou de artes plásticas e deseño.	
▪ Ter superada a proba de acceso a ciclos formativos de grao medio de ensinanzas deportivas ou de artes plásticas e deseño.	

Nota: estas persoas han poder participar no proceso de admisión a ciclos formativos de grao medio, presentando directamente o certificado acreditativo na secretaría do centro correspondente, nas condicións que se indiquen na normativa do proceso de admisión.

Exención parcial (acreditando algunha das seguintes circunstancias)		
▪ Segundo curso dun programa de cualificación profesional inicial (PCPI).	– Superación do ámbito de comunicación. – Superación do ámbito social.	▪ Exención da parte sociolingüística.
▪ Nivel II da educación secundaria para as persoas adultas (ESA).	– Superación do ámbito científico-tecnolóxico.	▪ Exención da parte matemática. ▪ Exención da parte científico-técnica.
▪ Superación dos módulos específicos profesionais con ou sen ter realizado o módulo de formación en centros de traballo dun PCPI.		
▪ Dispor dun certificado de profesionalidade de calquera nivel, consonte o Real decreto 34/2008, do 18 de xaneiro, polo que se regulan os certificados de profesionalidade.		▪ Exención da parte científico-técnica.
▪ Ter, como mínimo, un ano de experiencia laboral en xornada completa, con independencia do campo profesional en que se traballara. As persoas interesadas deberán cumprir este requisito con anterioridade ao remate do período de inscrición para as probas.		

Nota: acreditación positiva de exención. A exención dalgunha das partes da proba de acceso de grao medio obtida desde o ano 2009 en Galicia ten validez para sucesivas convocatorias; unicamente é necesario achegar a certificación da exención.

1.3.2 Exencións de grao superior

Exención total	
<ul style="list-style-type: none">Ter superada a proba de acceso á universidade para maiores de 25 anos.	

Nota: estas persoas han poder participar no proceso de admisión a ciclos formativos de grao superior presentando directamente o certificado acreditativo na secretaría do centro correspondente, nas condicións que se indiquen na normativa do proceso de admisión.

Exención parcial (acreditando algunha das seguintes circunstancias)	
<ul style="list-style-type: none">Ter superada a proba de acceso a outros ciclos formativos de grao superior de réxime xeral non incluídos na opción pola que se presenta, consonte a táboa anexa ao final do documento.Ter superada unha proba de acceso a ciclos formativos de grao superior de ensinanzas deportivas ou de artes plásticas e deseño.	<ul style="list-style-type: none">Exención da parte común.
<ul style="list-style-type: none">Ter superado un ciclo formativo de grao medio que pertenza a algunha das familias profesionais incluídas na opción pola que se presenta, consonte a táboa anexa ao final do documento.Dispor dun certificado de profesionalidade de nivel 2 ou superior dalgunha das familias profesionais incluídas na opción pola que se presenta, consonte a táboa anexa ao final do documento.Ter, como mínimo, un ano de experiencia laboral en xornada completa en campos profesionais que se correspondan con algunha das familias profesionais incluídas na opción pola que se presenta, consonte a táboa anexa ao final do documento.Ter a condición de deportistas de alto nivel ou de alto rendemento (no caso de presentarse pola opción C), consonte ao establecido no artigo 9.3.a do Real Decreto 971/2007, de 13 de xullo, sobre deportistas de alto nivel e alto rendemento e no artigo 36.1.f da Lei 3/2012, do 2 de abril, do deporte de Galicia.	<ul style="list-style-type: none">Exención da parte específica.

Nota: acreditación positiva de exención. A exención dalgunha das partes da proba de acceso de grao superior obtida desde o ano 2009 ten validez para sucesivas convocatorias; unicamente é necesario achegar a certificación da exención.

1.3.3 Publicación das listaxes provisionais e definitivas. Reclamacións.

As listaxes provisionais e definitivas relacionadas co procedemento publicaranse no taboleiro de anuncios do centro público onde se fixera a inscrición e na páxina web <http://www.edu.xunta.es/fp>.

Contra as listaxes provisórias de solicitudes, de exencións, de proba adaptada e de cualificacións, as persoas interesadas poderán presentar reclamación no centro onde se realizara a inscrición.

Durante o período de reclamacións contra as listaxes provisionais de persoas admitidas e excluídas, poderase achegar a documentación pendente de entrega do solicitado na folla de inscrición.

As listaxes relacionadas coas probas adaptadas deberan consultarse na secretaría dos centros de inscrición.

1.4 Certificados

Certificación de realización das probas de acceso	
Grao medio	Grao superior
<ul style="list-style-type: none">Na certificación constará a nota final lograda e a cualificación obtida en cada unha das partes que a compoñen.A certificación da superación da proba dará acceso a calquera ciclo formativo de grao medio, nas condicións de admisión que se establezan.Para quen realizara a proba na Comunidade Autónoma de Galicia e non a superara na súa totalidade, a certificación permitirá manter a cualificación obtida nas partes superadas cunha puntuación igual ou superior a cinco durante un máximo de dous anos nas probas de acceso a ciclos formativos de grao medio en Galicia.	<ul style="list-style-type: none">Na certificación constará a nota final lograda e a cualificación obtida en cada unha das partes que a compoñen.No caso de superación da proba, a devandita certificación incluírá a relación de familias profesionais nas que se posibilitará o acceso a ciclos formativos de grao superior en función da opción elixida, nas condicións de admisión que se establezan.Para quen realizara a proba na Comunidade Autónoma de Galicia e non a superara na súa totalidade, a certificación permitirá manter a cualificación obtida nas partes superadas cunha puntuación igual ou superior a cinco durante un máximo de dous anos nas probas de acceso a ciclos formativos de grao superior en Galicia.
Vixencia das certificacións de superación anteriores ao 2014 das probas de acceso	
<ul style="list-style-type: none">A certificación de ter superada a proba de acceso a ciclos formativos de grao medio consonte o establecido na Orde do 1 de abril de 2002 e na Orde de 2 de decembro de 2008, polas que se regulan as probas de acceso aos ciclos formativos de formación profesional específica, terán os mesmos efectos que a certificación da superación da totalidade da proba de acceso que se indica no apartado anterior.A certificación de ter superada a proba de acceso a un determinado ciclo formativo de grao superior consonte a Orde do 1 de abril de 2002 manterá a súa vixencia ata a extinción do título correspondente establecido pola Lei orgánica 1/1990, de ordenación xeral do sistema educativo.Logo de extinguido o título anterior, a devandita certificación ha permitir o acceso aos ciclos formativos declarados equivalentes para os efectos académicos ao abeiro da Lei orgánica 2/2006, do 3 de maio, de educación, segundo se estableza nos reais decretos dos títulos correspondentes.	
Vixencia das resolucións de exencións anteriores ao 2009 da parte específica da proba de acceso de grao superior	
<ul style="list-style-type: none">Quen dispoña de resolución positiva de exención da parte específica da proba de grao superior ao abeiro da Orde do 1 de abril de 2002, pola que se regulan as probas de acceso aos ciclos formativos de formación profesional específica, modificada pola do 30 de xaneiro de 2007, poderaa presentar en futuras convocatorias, mantendo a súa validez sempre que a opción elixida A, B ou C inclúa o ciclo para o que se concedera a devandita exención.	

1.5 Resolución administrativa

As persoas que nas convocatorias de 2012, 2013 ou 2014 superaran parcialmente unha proba de acceso a ciclos formativos na Comunidade Autónoma de Galicia e estean en condicións, logo de finalizado o proceso, de acreditar nas partes non superadas algunha das causas de exención parcial recollidas no apartado 1.3 deste documento, poderán solicitar a certificación de superación da proba.

1.5.1 Lugar e prazos de presentación de solicitudes

En calquera dos institutos de educación secundaria ou centros integrados de formación profesional onde se impartan ciclos formativos de formación profesional nos prazos seguintes:

- Grao medio: do 30 de xuño ao 30 de setembro de 2014.
- Grao superior: do 3 de xuño ao 30 de setembro de 2014.

1.5.2 Centros de emisión de certificados

A emisión de certificados realizarase nos centros designados como lugares de realización das probas ou nos centros designados para emitir certificados na convocatoria ordinaria de 2014.

2. Anexo

Organización en opcións da parte específica da proba a ciclos formativos de grao superior, en función da familia profesional a que se desexa acceder

Opcións segundo familias profesionais derivadas da LOXSE	Opcións segundo familias profesionais derivadas da LOE	Materias de referencia do bacharelato
Opción A		
Administración. Comercio e Márketing. Hostalaría e Turismo. Servizos Socioculturais e á Comunidade. Comunicación, Imaxe e Son (só o ciclo de Produción de Audiovisuais, Radio e Espectáculos).	Administración e Xestión. Comercio e Márketing. Hostalaría e Turismo. Servizos Socioculturais e á Comunidade. Imaxe e Son (só o ciclo de Produción de Audiovisuais e Espectáculos).	Materias da opción A: Economía da empresa. Lingua estranxeira (francés ou inglés). Filosofía e cidadanía.
Opción B		
Actividades Marítimo-Pesqueiras (agás o ciclo de Produción Acuícola). Artes Gráficas. Edificación e Obra Civil. Electricidade e Electrónica. Comunicación, Imaxe e Son (agás o ciclo de Produción de Audiovisuais, Radio e Espectáculos). Fabricación Mecánica. Madeira e Moble. Informática. Mantemento e Servizos á Produción. Mantemento de Vehículos Autopropulsados. Téxtil, Confección e Pel (agás os ciclos de Curtidos e Procesos de Ennobrecemento Téxtil). Vidro e Cerámica.	Artes Gráficas. Edificación e Obra Civil. Electricidade e Electrónica. Imaxe e Son (agás o ciclo de Produción de Audiovisuais e Espectáculos). Enerxía e Auga. Fabricación Mecánica. Informática e Comunicaciós. Instalación e Mantemento. Madeira, Moble e Cortiza. Marítimo-Pesqueira (agás o ciclo de Produción Acuícola). Transporte e Mantemento de Vehículos. Téxtil, Confección e pel (agás os ciclos de Curtidos e Procesos de Ennobrecemento Téxtil). Industrias Extractivas. Vidro e Cerámica.	Materias da opción B: Debuxo técnico. Tecnoloxía industrial. Física.
Opción C		
Actividades Agrarias. Actividades Físicas e Deportivas. Imaxe Persoal. Industrias Alimentarias. Actividades Marítimo-Pesqueiras (só o ciclo de Produción Acuícola). Química. Téxtil, Confección e Pel (só os ciclos de Curtidos e Procesos de Ennobrecemento Téxtil). Sanidade.	Agraria. Actividades Físicas e Deportivas. Imaxe Persoal. Industrias Alimentarias. Marítimo-Pesqueira (só o ciclo de Produción Acuícola). Química. Seguridade e Medio Ambiente. Téxtil, Confección e Pel (só os ciclos de Curtidos e de Procesos de Ennobrecemento Téxtil). Sanidade.	Materias da opción C: Ciencias da terra e ambientais. Química. Bioloxía.

